

ANG

**Bayan**Pahayagan ng Partido Komunista ng Pilipinas  
Pinapatnubayan ng Marxism-Leninismo-MaoismoEdisyong Hiligaynon  
Espesyal na Isyu  
March 29, 2004  
[www.philippinerevolution.org](http://www.philippinerevolution.org)

# Ipakigsumpong ang pungsodnon nga kahilwayan, demokrasya kag kalinungan paagi sa malawigan nga inaway banwa

Mensahe sang Komite Sentral  
Partido Komunista sang Pilipinas

**B**ug-os kalipay nga ginasaulog naton ang ika-35 anibersaryo sang pagkatukod sa Bag-ong Hangaway sang Banwa (BHB) sang Partido Komunista sang Pilipinas, amo man ang tanan nga maduagon nga kadalag-an nga naangkon sang mga Pulang kumander kag hanngaway. Ang mga kadalag-an nga ini naagum sa idalum sang husto nga pagpamuno sang Partido kadungan sa militanteng partisipasyon sang malapad nga masa sang pu-muluyong Pilipino.

Naghahatag kita sang mataas nga pagpasidungog sa mga rebolusyonaryong martir kag banganihan. Nagtigayon ang mga kadalag-an sang armadong rebolusyon paagi sa ila mga sakripisyo kag paghimakas. Ginahatagan nila kita sang kapagsik agud magbato nga may dugang kabakod kag maisog agud sa isulong kag agumon sang lubos ang kadalag-an sang pungsodnon demokratikong rebolusyon batuk sa imperialismo, pyudalismo kag burukrata kapitalismo.

Maagum lamang naton ang pungsodnon nga kahilwayan, de-



mokrasya kag kalinungan sa pag-utod sa dominasyon sang US sa Pilipinas kag sang lokal nga nagaharing sistema sang daku nga kumprador kag agalon nga mayduta. Masarangan kag dapat naton himuong ini paagi sa pag-pursiger sa malawigan nga inaway banwa, sa ubay sang rebolusyonaryong partido sang mga sahing mamumugon kag pagsalig sa gintingub nga kusog sang sahing mamumugon kag mangunguma.


**Pangkalibutanon kag Lokal nga Krisis**

Labing nagalala ang krisis sang pangkalibutanon nga sistemang kapitalista. Sobra-sobra ang produksyon sang tanan nga tipo baliligyaon relatibo sa pangkalibutanon nga merkado nga nagakitid bunga sang mga pagkaputo sang mga negosyo, pagbuhin sa produksyon, malaparan disempreyo kag pagbuhin sa kita sang mga tawo. Ang pagkarga sang imperialista sa idalum sang "neoliberal" nga polisiya sang globalisasyon sang "hilway nga merkado" nagpadasig sa pagpuga sang mga superganansya halin sa masang anakbalhas, sa

pagsapribado sang mga pangpublikong propyedad, sa pagwasak sang mga industriya sa kadam-an nga pungsod kag sa konsentrasyon kag sentralisasyon sang kapital sa mga imperyalistang pungsod, pangunahan na ang US.

Athagon katama nga nagapahina ang numero uno nga imperyalistang gahum, ang nagaisahanon nga superpower. Nahulog na ini sa grabe nga krisis sa ekonomya kag pinansya sugod 2000. Nagkupos pagid ang pangkalibutanon kag lokal nga merkado *high tech* produktong pangkonsumo kag mga basehang nga produktong industriyal. Ginamentnar lamang sini ang daku nga merkado pangkonsumo bangud sa pagpadaku sang depisit sa negosyo kag sa pagpasulod sang mga pondohalin sa iban nga pungod. Bantugan na sa kalainan ang US bilang numero uno nga manug-utang sang kalibutan. Bulnurable ini subong sa pagpalagyo sang kapital resulta sang mga pagsurip sa pinansya.

Padayon nga naggamit ang rehimeng Bush sang mga "neoliberal" nga islogan bisan nagakambyo na ini sa "Keynesyanismong militar". Determinado ini nga buhinan ang buhis nga ginabayad sang monopolyong burgesya, iduso panubo ang lebel sang sweldo, kinutan ang galastuhan pangkatilingban kag iduso pagid ang polisiya sa pribatisasyon, liberalisasyon kag deregulasyon. Kadungan sini, gusto sini nga pa-pagsikon ang ekonomya sang US paagi sa pagpadamu sang mga kontrata militar para sa *military-industrial complex*. Gani ginhingalitan sini ang mga atake sadtong Septyembre 11, 2001 kag ginpatuman ang polisiya nga ginatawag



"neokonserbatibo" agud ipatuman ang Pax Americana sa bug-os nga kalibutan paagi sa agresibong paggamit sang superyor nga kusog miliar.

Ugaling wala sang iban nga padulungan ang US kundi ang labing pagluggdang sa krisis sang ekonomya bangud indi makapatuhaw sang trabaho ang *high-tech* nga produksyon militar para pun-an ang daku nga wala trabaho tuga sang pangkabilugang pagtibusok sang industriya. Nagakaakig ang pumuluyong Amerikano sa ginahimo nga pagbuhin sa pangkatilingban nga galastuhan samtang ang gubyernong US nagabubo sang kwarta sa makinarya panggera kag mga gerang agresyon. Nagakaubos ang mga tinipon kag pondo nga pensyon sang daku nga por-syento sang pumuluyong Amerikano bangud sa paglupok sang bukal sang "bag-ong ekonomya" sa *stock market* nga tuga sang *high-tech*. Nagalibog ang ulo sang US paano pabangunon ang merkado sang US sa atubang sang nadaku depisito sa badyet kag negosyo.

Ginaduso sang subong nga pangkalibutanong krisis ang nagaisahanon nga superpower kag tanan nga imperyalistang gahum nga pasingkion ang pagpamigos kag pangpanghimulos sa pumuluyo sang kalibutan kag sundon ang banas sang pasismo kag gera. Pero ang laga sang US nga maglunsar sang mga gerang agresyon kag monopolisahon ang mga ginpamuyungan sa gera nagapadalum sang kontradiksyon sa tunga sang mga imperyalistang gahum kag nagapsingki sa ila inaway para sa pagtulunga sang kalibutan. Inagaw sang US ang mga ginakuhaan kag ruta

sang suplay sang langis kag gas kag iban pa nga dalagku nga bentaha kaangot sa mga gera batuk sa Iraq, Yugoslavia kag Afghanistan. Sining nagligad nga tuig, naka-banggianay sang US ang France, Germany, Russia kag China bangud gusto sini nga monopolisahon ang ginpamuyungan halin sa pagsalakay kag pagsakup sang Iraq.

Ang krisis nagapatuhaw sang tanan porma sang pagpamatuk sang pumuluyo sang kalibutan, sa mga imperyalistang pungsod, sa ikatlong kalibutan kag sa mga atrasadong pungsod. Nagalunsar ang pumuluyo sang mga militante nga rali protesta kag mga welga sa malapad nga sakup agud batuan ang imperyalismo, krisis kag gera. Ang pila ka pungsod kag gubyerno nagapamatuk agud maisog nga manindigan sang pungsodnon nga kahilwayan bilang sabat sa sobrasobra nga mga imposisyon sang US kag iban pa nga imperyalistang gahum. Nagalapad kag nagasingki ang mga armado nga rebolusyonaryong kahublagan para sa pungsodnon nga kahilwayan. Nagauswag ang mga ini, halimbawa, sa Colombia, Peru, Nepal, India, Philippines, Palestine, Turkey kag Iraq.

Sa Pilipinas, tuman na nga nagakagaruk ang malakolonyal kag malapyudal nga sistema bunga sang kadalukan sang mga lokal nga mapanghimulos nga sahi sang daku nga kumprador kag agalon nga mayduta kag ila mga agalon nga imperyalista. Sobra na ang suplay sang tanan nga produktong gina-eksport sang Pilipinas sa pangkalibutanon nga merkado. Kadungan man, ginabaha sang mga dumulung nga produkto ang lokal nga balaligyaan. Bisan ang lokal nga produksyon sang pangunahon nga pagkaon gina-ipit sang mga produktong imported. Ang dolyar nga ginakita sang mga mamumugon nga kontraktwal sa guwa sang

pungsod (OCW) nagagamay kag ginagamit sa indi produktibo nga ga-lastuhan.

Nagasurip ang ekonomya. Wala untat ang pagdaku sang depisit sa badyet kag negosyo. Lubos nga naubos na ang mga mautangan sa guwa sang pungsod. Sining ulihing tinuig, nangutang sang daku ang rehimeng Macapagal Arroyo sa pribado nga mga merkado sa US. Pero ang mga nagapautang nga ini nagasugod na magsara bunga subong grado sang Pilipinas bilang indi masaligan nga manugpangutang. Adlaw-adlaw nagalala ang krisis pinansyal sang lokal nga nagaharing sahi, pareho sang ginapakita sang masadig nga pagkupos sa balor sang piso.

Todo-larga nga ginapalala sang rehimeng ang krisis pang-ekonomya kag pangpinansya bangud sa bulag nga ginasunod sini ang mga dikta sang imperyalismong US, paglapak sa pungsodnon nga soberanya kag pagsubasta sa pungsodnon nga patrimonya. Wala ginapamatian sini ang demanda para sa reporma sa duta kag pungsodnon nga industriyalisasyon. Wala sang anuman nga matanyag nga solusyon ang rehimeng sa sosyal kag ekonomikong krisis. Ginahingalitan sang US ang krisis kag nagahimo sang mga imposision sa pulitika kag militar sa balibad nga kontra-terorismo kag pagpugong sa China kag North Korea.

Malubha ang diskuntento sang masang anakbalhas sang mga mamumugon kag mga mangunguma. Ginahanot sila sang malala nga disemplayo, nagagamay nga kita, nagatimbuok nga presyo sang mga basehang nga produkto kag sang pagtibusok sang piso. Ginabiktima sila sang mapiguson nga instrumento sang estado. Gani nagapsakup sila sa nagapalapad nga mga protestang masa kag welga kag lubos nga nagahandum sang arma-

dong rebolusyon. Bisan ang mga nahanunga nga saray sang kati-lingban labing nagaimol kag disgustado sa nagaharing sistema. Ang malapad nga masa sang pumuluyo lubos nga nagakangil-ad sa pag-ikog-ikog, kurapsyon, pagpangayu-ngayo kag kapintas sang rehimeng Macapagal Arroyo.

### Mga eleksyon kag negosasyon pangkalinungan


Ang nanari-saring pakson sang mga lokal nga nagaharing sahi tuman kasako subong sa elektoral nga paindisanay, humalin sa presidente nga lebel panubo. Ang pumuluyo wala sang anuman nga malauman nga signifikanteng pagbag-o para sa ikaayo sa palaabuton nga piniliay sa Mayo. Sa kabilugan, ginabutang sang mga eleksyon ang mga tiglawas pulitikal sang mga sahi sang daku nga kumprador burgesya kag agallon nga mayduta. Sa amupaman, sa nasyunal kag lokal nga lebel sang piniliay, posible makahimo sang mga alyansa sa kaayuhan sang pumuluyo kag sang ila paghimakas. Nahibal-an sang relativo muklat nga mga lider sa pulitika ang kusog sang rebolusyonaryong baseng massa kag sa sini interesado sa pagko-operar kag mutwal nga pagsuportahanay.

Ang pila ka progresibong partido kag kandidato sa guwa sang mga mayor partido sang mga mapanghimulos nga sahi nagahimakas para sa pila ka pusisyon sa manubo nga panalgan sang kongreso. Sa pihak sang kampanya sang kaaway sa pagpamatay kag pagpanamad sa ila kag sang kakulangan sa pondo pangkampanya, ginakilala ang iksarang nila nga makuha ang indi magnubo sa 16 porsyento sang mga boto. Pero indi bastante ang

ila kusog para makahimo sang gilayon nga signifikanteng posibong pagbag-o sa sulod sang sistema. Nagakapeligro pa gani nga madaya ang mga boto nga makuha nila halin sa pumuluyo. Ang pat-ud nga mahimo nila amo ang pagbuyagyag sa kagarukan sang sistema kag pagpangapin sa pungsodnon demokratiko nga mga kinamatarung sang pumuluyo.

Nagpasugot ang rehimeng Macapagal Arroyo nga liwat padayunon ang pormal nga pagsugilanon sa negosasyon pangkalinungan sa tunga sang Government of the Republic of the Philippines (GRP) kag sang National Democratic Front of the Philippines (NDFP) sa balayon sang The Hague Joint Declaration kag sa masundog nga mga kasugtanang garantiya sa kaluwasan kag proteksyon, reciprocal working committees kag sa pagrespeto sa tawhanon nga kinamatarung kag pangkalibutanon nga tawhanon nga layi. Maathag sa Oslo Joint Statement nga mahimo liwat padayunon sang GRP kag NDFP ang pormal nga pagsugilanon bangud naghilisugot sila sa mga prinsipyo kag basehan sa paghimo sang nagakadapat nga epektibong mga tikang kag pagpanawagan sa US kag iban nga gubyerno nga kuhapon ang mga pangalan sang PKP, BHB kag sang *chief political consultant* sang NDFP sa listahan sang mga "terorista."

Napanahon kag may pagkagilayon nga paandaron sang magtimbang bahin ang Joint Monitoring Committee, pareho sa ginasaad sang Comprehensive Agreement on Respect for Human Rights and International Humanitarian Law, sa atubang sang lapnagon nga pagla-



pas sa tawhanon nga kinamata-rung, kag para mapadasig ang negosasyon kag pagkasugot sa mga reforma pangkatilingban kag pang-ekonomya, kag sa atubang sang madasig nga nagagrabe nga krisis sa ekonomya kag katilingban. Ginahatagan kahigayunan sang mga negosasyon pangkalinungan ang NDFP kag tanan nga rebolusyonaryong pwersa kag pumuluyo nga iduso ang mga basehang reforma nga kinahanglanon para maagum ang pungsodnon nga kahilwayan kag demokrasya.

Mahimo lamang makasulong ang GRP kag NDFP sang paghimongisa ka alyansa kag untat-lupok paagi sa mga negosasyon pangkalinungan kon ang GRP maghisugot sa NDFP sa panindugan batuk sa interbensyunismo kag pagpasilabot sang imperyalismong US sa halambalanon sang Pilipinas sa kabilugan kag sa negosasyon pangkalinungan sa partikular kag, kon ang ginapan-aw nga kumprehensibong kasugtanan sa mga reforma pangkatilingban kag pang-ekonomya kag kasugtanan sa pulitika kag konstitusyon magatapos sa pang-ekonomya kag pangpulitika nga dominasyon sang US sa Pilipinas.

Ang imperyalismong US ang numero uno nga kaaway sang pumuluyong Pilipino. Ini ang pangunahan nga sablag sa pag-agum sang pungsodnon nga kahilwayan kag demokrasya sa Pilipinas. Ini ang pangunahan nga abang sa matarung kag malawigan nga kalinungan. Gusto ipabilin sang mga imperyalistang US ang dalitan nga bunga sang ila nga agresyon sa Pilipinas. Ginabangdanan nila ang gera batuk sa "terorismo" agud pakulbaan ang pumuluyo. Ginagamit nila ang pagkalista nga "terorista" agud pahugon ang NDFP kag isabotahe ang negosasyon pangkalinungan sang GRP-NDFP.

Pero sa pagkamatuod, ang imperyalismong US nagapahina sam-tang labaw na ginaunat ang kaugalingon kag ginatinguhha nga ipatumang hegemonya sini sa tanan nga pumuluyo sang kalibutan. Maathag katama nga ginakapoy ang sarang mapahulag nga pwersa sini nga nagakalubong sa Iraq kag Afghanistan. Ang presensya militar sini sa 140 pungsod ginakaakig madamu nga pumuluyo sa kalibutan. Labi nga ginalubong sang US ang kaugalingon sa indi matupungan nga krasis sa ekonomya kag pinansya, paagi sa pagbubo sang mga pondo sa mga kontrata para sa produksyon militar, sa pagtukod kag paggamit sang Department of Homeland Security agud bantayan kag pahadlukon ang pumuluyong Amerikano kag sa paglunsar sang mga gerang agresyon kag interbensyon. Nagadabuk ini sang gera kag pasismo paagi sa pagduso sang USA Patriot Act bilang modelo sang "kontra-terorista" nga lehislasyon kag paghimo sang dekretong ehektibo.

Sa subong, ginaamat-amat sang US ang pag-establisar iya presensya militar sini sa Pilipinas kag ginlatag ang basehan para sa liwat nga pagtukod sang iya mga base militar, gamit ang nanari-saring bangdanan pareho sang mga paghanas, gera batuk sa terorismo, sibik aksyon, tawhanon nga hilikton, kag iban pa. Pero sa maabot nga tinion, mabudlayan sang daku ang US nga maaghatac sang pang-ekonomya kag pinansyal nga ayuda sa papet nga rehimensyo sini sa Pilipinas kabaylo sang mga ekstrateritorial nga pribiliheyo. Bisan ang mga tiglawas pulitikal sang mga mapanghimulos nga sahi mangin interesado sa pag-angkon sang lugar agud makamaniobra paagi sa mayao nga pagpakigrelasyon sa ASEAN, China, Japan kag Europe sangsa pangunahan sa US.

Pero ang mas malahalon para sa pumuluyong Pilipino sangsa kon anuman nga kunsiderasyon sa ano ang mahimo sang reaksyunaryong gubyerno sang Pilipinas sa iya padulungan amo ang pagpadayon kag pagpaabante sang bag-ong demokratikong rebolusyon paagi sa malawigan nga inaway banwa kag iban pa nga porma sang mga pangmasang paghimakas batuk sa imperyalismong US kag sa mga papet nga reaksyunaryo. Pinakamaayo nga matib-ong, mapangapinan kag magpalapnag sang pumuluyong Pilipino ang ila mga pungsodnon kag demokratikong kinamatarung kag mga interes paagi sa pagpasulong sang armadong rebolusyon halin sa isa ka halintang padulong sa masunod.

### **Pagdaku kag Pagsulong sang Bagong Hangaway sang Banwa**

Sa absoluto nga pagpamuno sang Partido Komunista sang Pilipinas, ang Bag-ong Hangaway sang Banwa kumprehensibo kag madalum nakabenepisyo sa kritikal kag matinugahon nga mga kadalag-an sang Ikaduha nga Dungganon nga Kahublagan Panadlong. Nakakuha ini sang malahalon nga leksyon halin sa mahaba kag manggaranon nga inagihan sa pagrebolusyon. Nakatipon ini sang nagakaigo nga kusog agud kilalahon sang reaksyunaryong estado bilang iya mayor nga kaaway.


Para pamatukan ang malakolonyal kag malapyudal nga kinaiya sang lokal nga nagaharing sistema, husto gindeklarar sang Partido ang pangkabilugang linya sang pungsodnon demokratikong rebolusyon sa pagpamuno sang sahing mamumugon kag paagi sa malawigan nga inaway banwa. Rebolusyonaryong pulitika ang nagapamuno sa BHB. Bilang isa ka hangaway sang banwa, nagaalagad ini sa pumuluyo.

Ginapukaw, ginaorganisa kag ginamobilisa niya ini. Nakatukod ini sang 128 prenteng gerilya sa bilog nga pungsod. Nagalakip ini sang minilyon nga pumuluyo kag nagsakup mga signipikante nga bahin sang kadam-an nga mga prubinsya kag mga banwa sang Pilipinas. Ang pumuluyo ang indi mahubsan nga bubon sang kusog sang BHB.

Ang BHB amo ang pangunahon nga organisasyon sang Partido kag pumuluyo sa pagpakigsumpong sa kaaway kag sa pagtukod sang mga organo sang gahum pangpolitika, sa pagpatuman sang reforma sa duta bilang pangunahon nga kaundan sang demokratikong rebolusyon kag sa pagtukod sang baseng masa. Ang BHB ang pwersa sa pagpasulong sang armadong paghimakas bilang prinsipal nga porma sang paghimakas. Kon wala ang armadong paghimakas, tubtub san-o indi mapukan sang pumuluyo ang gahum sang reaksyunaryong estado sang daku nga kumprador kag pagtukod sang demokratikong estado sang pumuluyo sang mga mamumugon kag mangunguma.

Ugaling natural gid lamang para sa BHB nga magsugod sa gamay padulong sa daku kag padulong sa pagdaku kag pagbaskog. Huluhalintang ini nga nagauswag, halin sa estratehikong depensiba padulong sa estratehikong pagkapatás pakadto sa estratehikong opensiba. Gani dapat sini isulong ang estratehikong linya sang palibutan ang kasyudaran halin sa kaumhan sa isa ka mahaba nga panahon agud makatipon sang armadong kusog tubtub sa masarangan na sini agawon ang mga syudad sa pungsodnon kalapad.

Sa subong nga halintang sang



estrategikong depensiba, ginatinguha sini nga lutuson ang kaaway paagi sa paglunsar sang mga taktikal nga opensiba. Ginalunsar lamang sini ang mga away nga patud niya mapadaug. Pleksible ini nga nagahulag paagi sa mga taktika sang konsentrasyon, pagbungkag kag pagsaylu-saylo santo sa ginapangayo isa ka gera mahulag. Kaangot sini, ang BHB nagkalunsar sang maikit kag malaparan nga pagpakig-away gerilya nga nakabase sa nagapalapad kag nagapadalum nga baseng masa agud makaabante halin sa temprano padulong sa nahanunga nga halintang sang estratehikong depensiba.

Sa subong, ang BHB yara sa proseso sang pagpauswag sang iya mga armadong yunit sa rehiyunal nga lebel. Ang mga ini mahulag kag pleksible, relatibo nakatipon kag hugot nga nakaangot sa masa. Ginasiguro nila ang siguridad sang rehiyunal nga pamunuan sang Partido kag sang rehiyunal nga kumand sang hangaway kag may ikasarang sila nga masunson nga magdeploy sang pwersang pang-away sa pagpakigkoordinar sa mga yunit sang isa ukon masobra nga prenteng gerilya agud magkonsentrar sang superyor nga kusog para lutuson ang mga mahina nga bahin sang kaaway.

Ginagamit nila ang estratehiyang gerilya kag mga taktika. May yabing papel sila sa madasig nga pag-agaw sang mga hinganiban halin sa kaaway kag sa paglubos sa nahanunga nga halintang sang estratehikong depensiba sang inaway banwa.

Relatibo sa rehiyunal nga yunit sang BHB bilang rehiyunal nga sentro-de-grabidad, ang mga prenteng gerilya ang relatibo nakadispers nga base sang BHB sa isa ka

partikular nga rehiyon. Pero ginapabilin sa kada prenteng gerilya ang daan nga pangkulon nga istruktura sini. nga may kaugalingon nga sentro-de-grabidad kag nakalapta nga mga yunit. Ang platan nagaserbi bilang pangunahon nga yunit yunit nga nakabase sa baseng gerilya kag ang mga iskwad gerilya nagaserbi nga sekundaryo nga yunit gerilya nga nakabase sa mga sonang gerilya. Ginapabilin sang mga prenteng gerilya ang iya desentralisado nga mga operasyon kag nagalunsar ini sang mga opensiba nga sarang madaug. Mahimo man ini maitegrar sa mas daku nga mga plano sang operasyon nga tigayunon sang rehiyunal nga pwersa.

Ang mga *cruise missiles* kag iban *weapons of mass destruction* sa mga kamot sang US wala pulos batuk sa BHB. Bisan ang mga eroplano kag artileriya sang iya mga papet nga pwersa indi man mapuslan. Pero, epektibo nga magamit sang kaaway sa taktika ang mga *night vision goggles, cellphone, tracker, GPS gadget, kevlar helmet, armor vest* kag mga kapareho sini. May yara man kita sini kag may nagkalain-lain nga pamaagi giapan kita nga mabatuan ang kaaway. Pero ang labing epektibo nga porma sang kontra-aksyon amo ang wala untat nga pagpadamu sang aton baseng masa kag paglunsar sang mga opensiba batuk sa kaaway sa mas masunson nga sarang mahimo. Sa sini, makuha naton ang sarang mabitbit nga mga kagamitan sang kaaway kag iban nga kagamitan.

Dapat naton gamiton ang materialistang diyalektika sa pagpakig-away sa pangontra. Ang kaaway indi tubtub san-o solidó kag wala nagabuluglag. Sila ginadibider sang mga kapuluan, sang mabudlay nga tereyn sa duta, sang mga lebel sang kumand, sang erya

nga nakadeploy kag sang yunit ukon nga gintalanaan. Kinahanglan tun-an sang maayo sang BHB ang pat-ud nga disposisyon sang pwersa sang kaaway agud tukibon ang mga mahina nga bahan ukon magtuga sang mga kahigayunan para isa ka epektibong opensiba. Kon ang matig-a nga bahan sang kaaway daw indi magguba, ang yunit sang BHB dapat magtipon sang datos paniktik kag tun-an ang epektibo nga paagi sang opensiba.

Hitad katama ang mga armandong pwersa sang GRP. Nakadeploy ang singkwenta'y tres porsyento sa Mindanao, kon sa diin ginahulagan sang BHB kag sang Bangsa Moro Islamic Liberation Army. Ang treinta porsyento ang yara sa Luzon kag ang 17%, sa Visayas. May yara lamang ini nga isa ka batalyon pangkombat nga 350 asta 400 tinawo sa abereyds nga duha ka prubinsya sa Luzon; isa ka batalyon sa abereyds isa ka prubinsya sa Visayas; kag isa ka batalyon sa abereyds sang 182 baryo sa Mindanao (ang labing mataas nga kadamuan sang pwersa). Bisan may mga yunit pangkombat kag mga yunit nga nagasakup sa malapad nga erya, ang mga pwersa sang pulis indi bastante nga kontrolon ang mga lokal nga komunidad. Ginagamit na pangdugang sang Philippine Army ang CAFU, CAV kag iban nga pwersa nga paramilitar pero nangin bulnurable sila sa pagdisarma sang BHB kon maayo nga natung-dan ang kinahanglanon nga hilikton pangpulitika kag maid-id nga pag-obserbar.

Sa iya desisyon, ang BHB mahimo makalunsar sang mga taktikal nga opensiba anuman nga tion batuk sa isa ka mahina nga bahan sang mga pwersa sang militar, pulis kag paramilitar. Manubo ang moral sang mga pwersa nga ini bangud ginapalagad sila sa mga inte-

res sang mga imperialista kag lokal nga nagaharing sahi. Ginakanngil-aran sila sang malapad nga masa sang pumuluyo bangud gina-agaw nila ang mga pondo para sa mga serbisyo pangpubliko (edukasyon, ikaayong lawas, pabalay kag madamu pa) kag bangud sa lapnagon nga kurapsyon sa paggamit sang mga pondo para sa galastuhan sang militar, pulis kag intelegens. Ang ordinaryo nga mga tina-wo sang pwersa militar, pulis kag paramilitary nagakangil-ad sa kurapsyon sa kubay sang mga upisyales. Masami sila ginadayaan sang ila mga basehang rasyon kag iban pa nga benepisyo. Bisan ang mga kagamitan militar nakalab-ot sa *black market* (iligal nga merkado).

Nagalunsar ang BHB sang mga basehang operasyong pang-opensiba agud papason ang mga pwersa sang kaaway kag agawon ang mga hinganiban sang mga ini. Dapat kita magpakasanyog sa sining mga operasyon bangud ini lamang ang paagi nga mawasak ang kusog sang kaaway kag makambyo sa aton ang armandong kusog sini. Kadungan man, dapat mapasanyog sa pagpihak-pihak sa mga pwersa sang kaaway. Dapat naton trataron nga may kahalog ang mga bihag santo sa Geneva Conventions and Protocol I kag ipakita naton nga maayo nga ginatratar ang nagasurender ukon mga wala na sang ikasarrang magbato sa proseso sang inaway.

Dapat naton maglunsar sang mga espesyal nga opensibang operasyon agud gamuhon ang mga operasyon militar sang kaaway, ipatuman ang mga rebolusyonaryong layi kag polisiya kag arrestuhon kag nyutralisahon ang pinakamalaut nga taglapas sa tawhanon nga kinamatarung, mga nagapamuyong kag nagabaligya sang mga ginadumilian nga droga. Santo sa

prinsipyo, ginaaresto naton ang pinakamasupog nga mga kriminal agud imbestigahan kag bistahan. Ginagamitan naton sila sang armandong kusog kon sila armado kag delikado kag kinahanglan pat-uron ang siguridad sang aton mga tim nga manug-aresto.

### Batuk sa Interbensyon kag Agresyon sang US

Ginapaataas sang US ang iya interbensyon militar kag mga opensibang operasyon sa Pilipinas. Ultimo nga katuyuan sini amo ang malawigan nga pagpahamtang sang iya mga tropa kag liwat nga pagtukod sang iya mga base militar sa Pilipinas agud pahugon kag "pungan" ang iban nga pungsod sa East Asia. Sa subong nagadeploy sila sang mga pwersang pangkombat sa mga patag-awayan kag nagahangkat sang away sa BHB. Ginapaandaman naton ang US nga dapat sini untaton ang pagdeploy sang mga pwersa militar sang US kag ang paglapak sa pungsodnon nga soberanya sang pumuluyong Pilipino kag territorial nga integridad sang Pilipinas.

Suno sa internasyunal nga layi, ang kinaiya sang gera sa tunga sang GRP kag rebolusyonaryong gubyerno sang pumuluyo (ginatiglawas sang NDFP) amo ang isa ka gera sibil bisan pa nga ang GRP nagasalig sang daku sa indoktrinasyon sang US, kahanasan kag kagamitan. Pero, sa atubang sa subong nga interbensyon militar sang US, ang pumuluyong Pilipino kag tanan nga rebolusyonaryong pwersa dapat handa nga makig-sumpong batuk sa gerang agresyon sang US anuman ini kadaku kag anuman nga tion. Ang agresyon mahimo matabo anuman nga tion nga isahanon nga nagapati ang US nga madali sini papason ang BHB ukon magdesisyon indi

na makasarang sang mga papet nga armadong pwersa nga ipabilin ang lokal nga nagaharing sistema.


Sa pagbato kag pagdaug sa ge-rang agresyon sang US nagakahu-lugan sang paghatag-hustisyua sa 1.5 milyong Pilipino nga ginpa-matay sang mga imperyalismong US halin sang magsugod sang Ge-ra Pilipino-Amerikano sadtong 1899 tubtub sa katapanan sang kampanya sang pagtapna sadtong 1913, pag-angkon sang kadalag-an sang bag-ong demokratikong rebolusyon kag sa pag-amot sa re-bolusyonaryong paghimakas sang katawhan batuk sa imperyalismo kag para sa pungsodnon nga ka-hilwayan, demokrasya, sosyalismo

kag kalinungan sang kalibutan.

Sa katapus-tapusan, ang im-peryalismong US amo ang pinaka-brutal nga tagapangapin sang lo-kal nga nagaharing sistema sang dalagku nga kumprador kag aga-lon nga mayduta. Dapat naton hi-muon nga inutil ang imperyalis-mong US paagi sa paglutos sa mga papet nga reaksyunaryosini sa gera sibil ukon palutos sa gerang agresyon nga posible igalunsa ng sang imperyalismong US. Dapat kita maghanda batuk sa pinaka-malaut agud sarang kita maglaum sang maayo.

Ang paglapnag kag pagpasing-ki sang mga rebolusyonaryong paghimakas sang pumuluyo batuk

sa imperyalismong US sa pangkali-butanon nga sakup mahimo mag-dula ukon makabuhin sa ikasarang sang US nga maglunsar sang agre-syon batuk sa pumuluyong Pilipi-no. Dapat kita maghulag kaangot ang pumuluyo sang kalibutan. Da-pat kita mag-amot sa kutob masa-rangan para sa pangkalibutanon nga anti-imperialistang paghimakas. Sa sini, makalaum kita sang labing maayo nga maamot man sang mga rebolusyonaryong pag-himakas sang iban nga pumuluyo. Dapat mahilway ang katawhan sa salot agud tukuron ang isa ka bag-o kag mas maayo nga kalibutan ng mas mas kahilwayan kag ta-nan nga bahin-nga-kauswagan. ■



ANG

Bayan

Pahayagan ng Partido Komunista ng Pilipinas  
Pinapatnubayan ng Marxismo-Leninismo-MaoismoEdisyong Hiligaynon  
Espesyal nga Isyu  
Tuig. XXXIV No. 3  
Marso 7, 2003

# Ipakigsumpong ang pungsodnon nga kahilwayan, demokrasya kag kalinungan paagi sa malawigan nga inaway banwa

Mensahe sang Komite Sentral  
Partido Komunista sang Pilipinas

Bug-os kalipay nga ginasaulog naton ang ika-35 anibersaryo sang pagkatukod sa Bag-ong Hangaway sang Banwa (BHB) sang Partido Komunista sang Pilipinas, amo man ang tanan nga maduagon nga kadalag-an nga naangkon sang mga Pulang kumander kag hangaway. Ang mga kadalag-an nga ini naagum sa idalum sang husto nga pagpamuno sang Partido kadungan sa militanteng partisipasyon sang malapad nga masa sang pumuluyong Pilipino.

Nagahatag kita sang mataas nga pagpasidungog sa mga rebolusyonaryong martir kag banganihan. Nagtitayon ang mga kadalag-an sang armadong rebolusyon paagi sa ilia mga sakripisyong paghimakas. Ginahatagan nila kita sang kapagsik agud magbato nga may dugang kabakod kag maisog agud sa isulong kag agumon sang lubos ang kadalag-an sang pungsodnon demokratikong rebolusyon batuk sa imperialismo, pyudalismo kag burukrata kapitalismo.

Maagum lamang naton ang pungsodnon nga kahilwayan, de-



mokrasya kag kalinungan sa pag-utod sa dominasion sang US sa Pilipinas kag sang lokal nga nagaharing sistema sang daku nga kumprador kag agallon nga mayduta. Masarangan kag dapat naton himuong ini paagi sa pagpursiger sa malawigan nga inaway banwa, sa ubay sang rebolusyonaryong partido sang mga sahing mamumugon kag pagsalig sa gintingub nga kusog sang sahing mamumugon kag mangunguma.

**Pangkalibutanon kag Lokal nga Krisis**

Labing nagalala ang krisis sang pangkalibutanon nga sistemang kapitalista. Sobra-sobra ang produksyon sang tanan nga tipo baliliyaon relatibo sa pangkalibutanon nga merkado nga nagakitid bunga sang mga pagkaputo sang mga negosyo, pagbuhin sa produksyon, malaparan disempleado kag pagbuhin sa kita sang mga tawo. Ang pagkarga sang imperialista sa idalum sang "neoliberal" nga polisiya sang globalisasyon sang "hilway nga merkado" nagpadasig sa pagpuga sang mga superganansya halin sa masang anakbalhas, sa